



Promisewi.com

IEP Chaw Pab rau Tsev Kawm Ntawv Kev Sib Koom Tes

Cov lus no yog sau los ntawm Carly Anderson thiab muab tso tawm rau hauv Mighty. Wisconsin Promise muab kho dua kom Wisconsin Promise DVR cov neeg ua hauj lwm, cov kws pab tswv yim rau tsev neeg, thiab cov hluas thiab cov neeg hauv tsev neeg muab los siv thiab luam tau. Qhov chaw muab los: themighty.com/2016/09/questions-every-parent-should-ask-at-an-iep-meeting/

Ib lub rooj sib tham IEP yog ib lub cib fim rau tsev kawm ntawv cov neeg ua hauj lwm thiab cov niam txiv los sib cev lus. Ib yam uas kuv hais rau txhua tus niam txiv ua ntej ib lub rooj sib tham IEP? Npaj kom txhij. Ua koj cov homework. Ib lub rooj sib tham IEP yuav mus tau zoo yog txhua tus muaj cuab kav sib cev lus tau meej.

Ib daim phiaj Postsecondary Transition Plan, los yog PTP, pab rau tus me nyuam kawm ntawv hlaw mus rau cov laus lub neej tom qab high school. Nyob hauv Wisconsin, lub tsev kawm ntawv yuav tsum tsim kom tau ib daim phiaj PTP li yog ib feem ntawm daim phiaj Individualized Education Program (IEP) yog hais tias tus me nyuam kawm ntawv muaj hnuv nyooog 14 xyoos los yog tshaj saud. Mus saib qhov Postsecondary Transition Plan (PTP) App: <http://www.witransition.com>

Ntawm no yog yam puav uas yuav tau ua...

- Mus ntsia koj tus me nyuam chav kawm ntawv tam sim no.
- Rov qab nyeem koj tus me nyam daim IEP yog hais tias nws twb muaj ib daim lawm. Koj puas xav tias nws ua tau raws li nws cov hom phiaj kawm ntawv thiab kev coj tus cwj pwm? Npaj tham txog koj cov kev xav rau sawv daws paub.
- Muab ib daim ntawv los teev cov kev txhawj xeeb thiab ib daim teev cov kev ua tau. Dab tsi uas mus tau zoo? Dab tsi uas pom tias tseem muaj teeb meem?

ua ntej ib lub rooj sib tham IEP:

- Tshawb nrhiav kom paub cov qauv kev cai rau kev kawm ntawv (academic standards) rau ntawm koj tus me nyuam qib kawm. Xav seb koj tus me nyuam qhov kev kawm poob rau ntawm cov qauv kev cai kawm no qhov twg. Tej zaum nws tseem yuav xav tau kev pab, ces qhov ntawd tsis ua li cas. Tab sis koj yeem fuab xav txog cov hom phiaj mus sij hawm ntev no ntau npaum cas, yim fuab ua rau koj npaj tau los tham rau lawv thiab mloog pab neeg hais.
- Npaj nug koj cov lus (nug kom ntau heev).

Thaum koj nyob ntawm ib lub rooj sib tham IEP...

ntawm no yog 10 lo lus nug uas koj yuav tau nug:

1 Kuv yuav hu tau koj li cas?

Nug txhua tus tswv cuab ntawm IEP pab neeg (tus kws qhia ntawv, tus kws qhia ntawv uas paub txog cov chaw muaj kev pab, tus kws qhia kom hais tau lus, tus kws qhia kom mus ua tau hauj lwm, thiab lwm tus). Txoj kev yuav hu tau lawv zoo tshaj yog li cas. Qhia rau lawv paub tias koj yuav hu rau lawv tsis so. Teem kom tau cov rooj sib tham qhia paub txog kev nce qib.

2 Thaum twg thiaj yog lub zoo sij hawm los sib tham txog kuv tus me nyuam kev nce qib?

Li ob xyoos tom qab dhau los, muaj ib tus niam txiv tau nug kuv seb nws tuaj puas tau thaum sawv ntxov ua ntej lawv pib mus ua hauj lwm hnuv ntawd. Tus niam no xav kom qhia nws txhua lis piam hais txog nws tus me nyuam kev nce qib. Yog li nws thiaj tuaj thaum sawv ntxov ib lis piam ib zaug thiab pab kuv muab cov ntawv faib ua ntej cov me nyuam pib lawv hnuv. Nws pab hliav xaum nrog kuv, ces wb muaj ib lub sij hawm los sib tham. Nws yog ib qho mus tau zoo heev. Kuv zoo siab heev uas tau tham nrog nws, thiab nws txoj kev pab thaum lub sij hawm wb sib tham yog ib txoj kev zoo tshaj plaws rau nws los muab kev pab rau peb chav qhia ntawv.



**3 Dab tsi yog qhov koj pom kuv tus me nyuam ua tau zoo?
Kuv yuav pab thiab txhawb tau nws li cas?**

Ib lub rooj sib tham IEP yuav tsum txhob yog hais txog cov kev ua tsis tau zoo los yog tu ncuva nkaus xwb. Nug seb koj yuav pab txhawb tau koj tus me nyuam qhov nws ua tau zoo thiab kev nyiam li cas. Tej ntawd yog yam uas ua rau koj tus me nyuam muaj yeej li ib tus neeg muaj hnuv nyoog.

**4 Hom kev nce qib dab tsi uas kuv npaj siab xav pom?
Qhov no yuav zoo li cas?**

Qhov loj ntawm ib lub rooj sib tham IEP yog qhov uas koj tau tswv yim los ntawm cov kws paub txog txoj hauj lwm. Tab sis muaj tej zaum kuj nyuaj kawg thiab. Nws muaj cov lus acronyms, muaj cov kws qhia ntawv hais lus, cov kev nce qib ua tau — nws muaj ntau yam kawg li. Tom qab txhua lub rooj sib tham IEP, nug pab neeg: Qhov no yuav tsum zoo li cas? Yuav ntev li cas kuv mam pom kev nce qib? Cov cim qhia tias peb mus rau txoj kev yog lawm yog dab tsi? Dab tsi uas kuv yuav tau saib kom zoo?

5 Dab tsi uas kuv ua tau tom tsev los txhawb kuv cov hom phiaj?

Rau cov me nyuam kawm ntawv uas ua tau zoo (tsis hais kev xav tswv yim los yog kev kawm ntawv), cov hom phiaj yuav tsum siv tau rau tom tsev kawm ntawv thiab hauv tsev. **Nug pab neeg:** Dab tsi uas kuv ua tau nyob tom tsev? Nug kom tseeb cov tswv yim pab. Yog nws tsis tseeb rau koj nkag siab, nug kom qhia ntxiv.

6 Ntawm cov hom phiaj no cov twg yog cov yuav tau xub ua ua ntej?

Txog thaum xaus ib lub rooj sib tham IEP — nyob rau ntawm koj cov hom phiaj coj tus cwj pwm thiab cov hom phiaj kawm ntawv — koj kuj yuav hnov zoo li koj lub taub hau kiv pes lees. **Tej yam tseem ceeb uas koj yuav tau nug:** Lub hom phiaj twg yog lub yuav tau ua ua ntej? Puas yog qhov kev coj tus cwj pwm (piv txwv li, hloov mus rau kev kawm ntawv)? Puas yog qhov kev kawm ntawv (kev paub thiab hnov tau, thiab lwm yam)? Nug pab neeg. Li ntawd, koj thiaj paub seb dab tsi yog qhov yuav tau muab los tham txog kev kawm ntawv.

7 Peb yuav ntsuas li cas thiaj paub kev nce qib? Peb yuav qhia txog qhov no li cas rau kuv tus me nyuam?

Nws muaj ntau txoj kev ntsuas kev nce qib mus txog cov hom phiaj (kev kawm ntawv thiab kev coj tus cwj pwm). Pab neeg puas yuav siv cov kev twv qhab nias (test scores)? Ntaub ntawv khaws cia muaj kev saib ntsia tus me nyuam? Muab txoj kev coj tus cwj pwm rau sawv daws pom (los yog tsis tso rau sawv daws pom)?

8 Cov kev txhawb no yuav zoo li cas txhua hnuv? Kuv tus me nyuam hnuv yuav zoo li cas?

Nws muaj ntau txoj kev los muab kev txhawb rau kev kawm ntawv thiab kev coj tus cwj pwm. Cov kev pab txhawb puas yog ib tus qauv muab tshem tawm (muab tus me nyuam kawm ntawv tshem tawm ntawm chav kawm rau cov pawg me muab kev txhawb) los yog ib tus qauv thawb rau hauv (tus neeg ua hauj lwm muab kev txhawb mus xyaw rau hauv chav qhia ntawv ib lub sij hawm)? Kuv kheev tau zaum rau hauv cov rooj sib tham uas cov niam txiv tsis paub tias yuav muab lawv tus me nyuam cais mus nyob rau ib chav qhia ntawv kom tau pab nws txoj kev kawm thiab kev coj tus cwj pwm es ua rau lawv tsis paub tias yog vim li cas. Koj yuav tsum paub zoo seb koj tus me nyuam hnuv zoo li cas!

**9 Leej twg yuav muab cov kev pab txhawb no? Kuv tus me nyuam tus kws qhia ntawv
yuav tau txais kev pab li cas los mus ua txoj hauj lwm muab cov kev pab txhawb no?**

Qhov zoo tshaj plaws hais txog muaj ib pab neeg muab kev pab txhawb nyob ntawd? Txhua tus yuav tau sib pab (uas muaj koj nyob hauv, niam thiab txiv!) Nug koj cov lus. Koj yuav pab tau tus kws qhia ntawv li cas? Tus kws pab kom hais tau lus yuav pab tau koj li cas?

10 Koj yuav ua dab tsi yog tias qhov no yog koj tus me nyuam?

Ib lub rooj sib tham IEP kheev yog hais txog txhua yam hauj lwm. Thaum kawg, dab tsi uas kuv xav paub? Yog tias qhov no yog ib tus hauv koj tus kheev tsev neeg, koj yuav muab tswv yim pab li cas? Ntseeg kuv

Puas Tseem Muaj Lus Nug?

WI-FACETS

Wisconsin Family Assistance Center for Education, Training and Support
Cov kev pab muaj xws li Kev Muab Ntaub Ntawv Qhia Paub & Xa Mus
Rau Lwm Qhov Chaw Muaj Kev Pab; Niam Txiv Cov Pab Pawg Muab Kev
Sib Txhawb; Niam Txiv/Cov Hluas Kev Txhim Kho Txoj Kev Coj; thiab Kev
Cob Qhia

www.wifacets.org

414-374-4645

WSPEI

Wisconsin Statewide Parent – Educator Initiative
Tsim Kom Muaj Kev Sib Koom Tes Ntawm Cov Niam Txiv thiab Cov
Kws Txuj rau Cov Me Nyuam Kawm Ntawv Muaj Mob Xiam Oob Qhab

wspei.org

Qhia paub txog qhov hu tau hauv zos: wspei.org/contact

Wisconsin Mediation

Wisconsin Special Education Mediation System
Rau Wisconsin cov tsev neeg uas xav tau cov kev pab tshwj xeeb thiab
cov cheeb tsam tsev kawm ntawv Kev Sib Kho Kom Haum Xeeb, Coj
Cov Kev Pab Cuam Rau Tus Kheej Kev Kawm Ntawv (IEPs), Kev Coj rau
Ib Lub Rooj Sib Tham Daws Teeb Meem

www.wsems.us

Disability Rights Wisconsin (DRW)

Ib lub koom txoos khiav hauj lwm muab kev tiv thaiv thiab
tswv yim pab rau cov neeg muaj mob xiam oob qhab.

www.disabilityrightswi.org

Me Nyuam Kawm Ntawv Qhov Nws Ua Tau Zoo	Niam Txiv Kev Txhawj Xeeb/Teeb Meem	Niam Txiv Kev Daws Teeb Meem	Pab Neeg Kev Txiaiv Txim Siab
	1.		
	2.		
	3.		